

98 hendur veðdeildinni. Um ógildingu annarra glataðra bankavaxtabréfa og vaxtamiða 9. ágúst fer eftir almennum reglum.

28. gr.

Bankavaxtabréf þau, er innleyst hafa verið með hlutkesti eða hafa verið notuð til að borga eða afborga lán, má ekki framfar setja í veltu, heldur skal ónýta þau undir eins ásamt vaxtamiðum og stofnum þeirra á þann hátt, að þau með því móti verði ógild, og leggja þau til geymslu í fjárhirzlu veðdeildarinnar, og skal svo innan loka næsta reikningsárs eyðileggja þau í viðurvist endurskoðenda ásamt vaxtamiðum þeim, er innleystir hafa verið það reikningsár.

29. gr.

Þegar lán er gjaldfallið, hefur veðdeildin heimild til að láta selja veðið við opinbert uppboð til fullnustu á láninu, allt án undangengins dóms, sáttar eða fjárnáms, samkvæmt ákvæðum 39. gr. laga nr. 95 frá 1947, sbr. lög um uppboð, nr. 57 frá 1947 og lögum um veð frá 4. nóv. 1887, 3. gr.

Veðdeildin þarf ekki að láta neinn vera fyrir sína hönd við uppboðið, og skal þar ekki taka mótmæli skuldunautar til greina, nema þau séu auðsjáanlega á rökum byggð, og eigi er heldur hægt að ónýta uppboðið eða stöðva það án samþykkis deildarinnar með neins konar dómskoti. Veðdeildin ber aftur á móti ábyrgð á því, að skuldin sé rétt og komin í gjalddaga, og skuldunaut er frjálst að hefja mál til endurgjalds á öllu því, sem hann hefur skaðazt á uppboðinu.

Veðdeildin getur löglega samið svo um við skuldunauta sína, að uppboð á veðsettum fasteignum megi fara fram á skrifstofu uppboðshaldara.

30. gr.

Ákvæði reglugerðar þessarar breyta að engu fyrri reglugerðum veðdeildarinnar.

Reglugerð þessi staðfestist hér með samkvæmt lögum nr. 55 20. maí 1955, um húsnæðismálastjórn, veðlán til íbúðabygginga og útrýmingu heilsuspillandi íbúða, til að öðlast þegar gildi, og birtist til eftirbreytni öllum þeim, sem hlut eiga að máli.

Félagsmálaráðuneytið, 9. ágúst 1955.

Steingrímur Steinþórsson.

Hjálmar Vilhjálmsson.

99

10. ágúst

S A M Þ Y K K T

fyrir fiskræktar- og veiðifélag Laxár í Borgarfjarðarsýslu.

1. gr.

Félagið heitir Fiskræktar- og veiðifélag Laxár í Borgarfjarðarsýslu. Heimili þess og varnarþing er í Stóra-Lambhaga í Skilmannahreppi.

2. gr.

Markmið félagsins er að auka laxveiði á félagssvæðinu og arð af henni með því:

1. Að stunda laxarékt.
2. Að leigja ána til stangarveiði eða stunda sameiginlega laxveiði fyrir alla félagsmenn á einum eða fleiri stöðum í Laxá, ef henta þykir.

3. gr.

99

10. ágúst

Félagið hefur umráð yfir öllum rétti til laxveiða í Laxá frá efri landamerkjum Dragháls að ytri landamerkjum Arkarlækjar og Skipaness, ásamt öllum leirum innan takmarka þeirra jarða, sem land eiga að Laxá á veiðisvæðinu. Jarðir þessar eru Dragháls, Glámustaðir, Kambshóll, Eyri, Hlíðarfótur, Hóll, Tunga, Steinholt, Melkot, Leirá, Vogatunga, Beitistaðir, Lækur, Skipanes, Arkarlækur, Kjalardalur, Litla-Fells-öxl, Fellsaxlarkot, Litli-Lambhagi, Lambhagi, Stóri-Lambhagi, Vestra-Miðfell, Hurðarbak, Svarfhóll, Saurbær, Þórisstaðir og Geitaberg. Félagsmenn eru allir ábúendur þeirra jarða, er land eiga að nefndu veiðivatni, eða þeir, er hafa öðlazzt veiðirétt fyrir landi sérstakra jarða og félagsfundur samþykkir.

4. gr.

Óheimilt er öllum að veiða lax í vatni þessu eða leirum, nema með sérstöku og skriflegu leyfi félagsstjórnar. Skal þar tekið fram um veiðitíma og veiðitæki og með hvaða kjörum leyfið er veitt.

5. gr.

Heimilt er félagsstjórn að leigja veiðirétt á félagssvæðinu eða hluta af honum einstökum mönnum eða félögum til stangaveiði, ef sýnilegt þykir, að það sé hagur fyrir félagið. Þó má það leyfi eigi vera til lengri tíma en eins árs, nema lögmætur fundur samþykki, og tekið hafi verið fram í fundarboði, að slíkt veiðileyfi yrði til umræðu.

6. gr.

Ef félagið stundar laxveiði við Laxá, og ræður mann til að standa fyrir veiðinni, nefnist hann veiðistjóri.

7. gr.

Veiðistjóri annast framkvæmdir félagsveiðinnar. Ræður hann menn sér til aðstoðar eftir þörfum. Hann sér um verkun og sölu á veiðinni og færir alla reikninga þar að lútandi, allt í samráði við félagsstjórn.

8. gr.

Félagið starfrækir laxaklak á þeim stað eða stöðum, sem félagsstjórn velur í samráði við veiðimálastjóra. Kostnaði við það skal jafna á félagsmenn eftir þeim hlutföllum, sem arðskrá félagsins tiltekur. Klekja skal út minnst 100 seiðum fyrir hvern lax, sem veiðist á félagssvæðinu.

9. gr.

Stjórnina skipa 5 menn: Formaður og fjórir meðstjórnendur. Skulu þeir kosnir á aðalfundi til þriggja ára í senn. Ganga þeir úr stjórninni á víxl þannig: Formaður gengur úr eftir eitt ár, 2 meðstjórnendur eftir hlutkesti eftir tvö ár. Síðan helzt sama röð. Enginn atkvæðisbær félagsmaður getur skorazt undan kosningu nema lögmæt forföll hamli, eða hann hafi verið 3 ár í stjórn. Þriggja manna varastjórn skal og kosin og ganga úr eftir sömu reglum.

10. gr.

Stjórnin hefur á hendi umsjón með öllum framkvæmdum félagsins milli aðalfunda. Hún ræður veiðistjóra og klakstjóra og gerir við þá samninga um kaup og önnur kjör, enda samþykki lögmætur fundur þá samninga. Hún hefur eftirlit með því, að samþykkt félagsins sé hlýtt og má ráða menn sér til aðstoðar, þó án kostnaðar fyrir félagið.

99 Formaður er fulltrúi félagsins út á við og hefur yfirumsjón með störfum 10. ágúst félagsins og fjárreiðum þess öllum. Afl atkvæða ræður úrslitum mála á stjórnarfundum.

11. gr.

Aðalfund heldur félagið í febrúarmánuði ár hvert. Aðalfundur er lögmætur:

- a. ef hann er boðaður skriflega með minnst þriggja daga fyrirvara og sé fundar-efnis getið í fundarboði.

- b. sé meiri hluti stjórnar mættur á fundinum.

Á aðalfundi skýrir stjórnin frá störfum félagsins á liðnu starfsári, leggur fram áætlun og tillögur um starfsemi þess á næsta ári. Þar leggur hún fram endurskoðaða reikninga félagsins og úrskurðar fundurinn um þá. Aðalfundur kýs stjórn og tvo endurskoðendur félagsreikninganna. Hann kveður á um laun stjórnar og annarra starfsmanna félagsins. Afl atkvæða ræður úrslitum mála á fundum, nema um breytingar á samþykktum sé að ræða eða félagsslit.

12. gr.

Aukafundi heldur stjórnin, þegar henni þykir ástæða til, eða ef $\frac{1}{4}$ félagsmanna óskar þess og tilgreinir fundarefni.

13. gr.

Reikningsár félagsins er almanaksárið. Skulu reikningar fullgerðir fyrir aðalfund og lagðir fram endurskoðaðir til úrskurðar.

14. gr.

Arði af sameiginlegri veiði eða leigu, svo og öllum gjöldum, er af starfsemi þess leiða, skal skipt niður á félagsmenn samkvæmt arðskrá, sem lögmætur fundur samþykkir og undirrituð er af $\frac{2}{3}$ félagsmanna, eða eftir mati, sem samþykkt er af félagsfundi með $\frac{2}{3}$ greiddra atkvæða allra félagsmanna. Gildir hún til 10 ára í senn. Að þeim tíma liðnum skal arðskráin haldast óbreytt, ef breytingar fást ekki samþykktar með $\frac{2}{3}$ greiddra atkvæða allra félagsmanna.

15. gr.

Arði samkvæmt 14. gr. skal úthlutað til félagsmanna innan fjögurra vikna frá því að leiga eða verð selds fisks er greitt félagsstjórninni. Þó skal hún halda eftir nægu fé til greiðslu alls kostnaðar og afborgana lána, sem til greiðslu geta komið á því tímabili, þar til næsta árs tekjur eru inn komnar, og skal jafna greiðslu niður eftir þeim hlutföllum, sem arðskrá ákveður.

16. gr.

Brot gegn samþykkt þessari varða sektum frá 100—500 kr. og veiði gerð upptæk eða andvirði hennar og renni í sýslusjóð.

17. gr.

Lögum þessum verður ekki breytt, nema $\frac{2}{3}$ mættra félagsmanna á aðalfundi samþykki breytinguna.

18. gr.

Félaginu má slíta, ef $\frac{2}{3}$ félagsmanna samþykkja það, enda sé félagið þá skuldlaust.

Samþykkt þessi, sem gerð er samkvæmt lögum nr. 112 9. október 1941, um 99
lax- og silungsveiði, staðfestist hér með til að öðlast þegar gildi, og birtist til eftir- 10. ágúst
breytni öllum þeim, sem hlut eiga að máli.

Landbúnaðarráðuneytið, 10. ágúst 1955.

Steingrímur Steinþórsson.

Árni G. Eylands.

H A F N A R R E G L U G E R ð

100

10. ágúst

fyrir Ísafjarðarkaupstað.

I. KAFLI

Takmörk hafnarinnar.

1. gr.

Ísafjarðarhöfn takmarkast af línu, er hugsast dregin frá hinum svonefndu
Innríbásam á Kirkjubólshlíð í svokallaðan Urtustein á Eyrarhlíð. Innan nefndrar
línu takmarkast hún af landinu á alla vegu meðfram firðinum.

II. KAFLI

Stjórn hafnarinnar.

2. gr.

Bæjarstjórn Ísafjarðar hefur á hendi stjórn hafnarmálefna, undir yfir-
umsjón þess ráðuneytis, sem fer með hafnarmál.

Hafnarnefndin hefur á hendi framkvæmd hafnarmála og eftirlit með höfninni,
sér um viðhald og umbætur á höfninni, stýrir öllum framkvæmdum, er þar að
lúta, og annast fjárhald hafnarinnar og reikningsskil fyrir hönd bæjarstjórnar.

3. gr.

Bæjarstjóri er hafnarstjóri, nema öðruvísi sé ákveðið af bæjarstjórn.

4. gr.

Daglegar framkvæmdir og eftirlit annast hafnarstjóri í samráði við hafnar-
nefnd. Til aðstoðar hafnarnefnd skulu vera svo margir starfsmenn sem þurfa þykir.
Bæjarstjórnin skipar fasta starfsmenn eftir tillögu hafnarnefndar og setur þeim
erindisbréf, en hafnarnefndin getur sagt þeim upp eða vikið þeim frá, án þess að til
þurfi að koma samþykki bæjarstjórnar.

III. KAFLI

Um almenna reglu.

5. gr.

Hafnarstjóri sér um, að gætt sé reglu á höfninni og á landi hennar. Er öllum
skylt að hlýða boði hans og banni og enn fremur þeirra starfsmanna, er hafnar-
nefnd setur til að gæta reglu. Þyki einhverjum sér óréttur ger af starfsmönnum
hafnarinnar, getur hann kært það fyrir hafnarstjóra, en skipun starfsmannsins
ber að hlýða þegar í stað.

Starfsmenn hafnarinnar skulu gæta allrar kurteisi í starfi sínu.